

荆
駝
逸
史

錦章圖書局
印行

綱鑑易知錄

卷一百一十五

開國平吳事略

南園嘯客輯

順治元年三月十七日賊游騎之平則門環攻九門門外三大營悉降賊十八日攻益急自成駐彰義門外遣降賊太監杜敷縋入見帝求禪位帝怒斥之目瞋太監曹化淳啟彰義門賊盡入帝出登煤山望烽火徹天帝歎息曰苦我民耳徘徊久之歸乾清宮皇太子二王至猶盛服入上曰此何時而不易服乎並命持敝衣來上親為之解其衣換之且手繫其帶告之曰汝今日為太子明日便為平人在亂離之中匿形迹藏姓名見年老者呼之以翁見年長者呼之以伯叔萬一得全報父母仇無忘我今日之戒也左右皆哭失聲命人送太子及永王定王於戚畹周奎家太子至不得入二王亦不能匿先後擁見自成皆不屈自成羈之營中封太子為宋王

四月二十九日丙戌自成僭帝號於武英殿是夕焚宮殿及九門城樓詰日挾太子二王西走

順治二年乙酉六月乙卯王師至蘇州豫王既定金陵傳檄各郡徵版籍募能檄行蘇州者吳縣周奎時在金陵劄御船通判或薦崇明人前鴻臚寺少卿黃家鼐為安撫正使而以奎副之甫抵郡適明監軍蘇松巡撫楊文驄潰兵至執家鼐殺之覓渡橋下奎逸去僇其家人張留并執奎友太學生顧凝遠號青霞者凝遠子諸生樂胥聞父被執倉皇赴

難願代死父得亡命樂胥解軍前得釋越三日都督李延齡總兵土國寶露及南下文驄兵遁大兵至士民各書順民二字於門爭持羊酒迎候迨雞髮令下時有福山副總魯之嶼者字瑟若首先倡拒鄉兵四起頭纏白布諸生陸世鑰聚衆千餘屯陳湖中有十將官者亦屯千餘人于左近繞城而呼民間柴斧婦女裙幅皆為干戈旂幟而猖狂於道又有太湖盜赤脚張三負嶼刦掠富民從而和之土國寶出榜曉諭無如愚民之不從也已而湖寇所却有被獲下獄者陳湖之師伏力士刦之焚城樓城內士民應之閏六月十三日突入封門一時洶洶焚撫按府長吳五署巡撫避入瑞光寺浮屠官兵奮勇殺出之嶼衆潰之軍殲焉有韋志斌者亦同時死六門堅閉城中人死無算未幾都督李公至土國寶必欲屠城李知西北民居稠密與土國寶分闔二闔俱寓東南土國寶拈得東南遂由盤門層至飲馬橋橋畔有關公像民昇至橋上冀兵畏神像而止及至兵到忽見關公立馬橋上人馬俱跪而止神誠護國佑民哉李公遂封刃不殺吳人立祠於虎邱山塘建德崇宇宙坊以誌不朽先是王師駐於南園營中需水草而民皆逃避一空有長洲人葉茂華者素醇謹好為諸善事故未去城因與其兄茂才兄子汝輯率先雞髮為郡民之倡遂輸芻納芟馬賴飽騰無何冠至茂華茂才汝輯遂遇害督撫懸示招安周荃每左右之全活城中人無數諸生張悌乘亂上揭得委署府通判事修怨肆螫故多以叛黨立誅人皆德荃而恨悌土公廉知悌惡係之獄自以剪斷喉舌死黃家壩以死事錫廕而茂才等為

順民之倡例得優卹荃至京授開封府知府是時吳江進士吳易踞擾白蕩狼山總兵王佐才等攬城拒守次第平安

順治二年長興劇盜赤腳張三揭竿肆擾入太湖掠橫山又掠木瀆至康熙初湖路梗塞未能弋獲當道莫可如何有朱允恭洞庭山人富而有才家有園亭聲妓之奉時允恭効力於巡撫轅門中丞韓公世琦詢以湖盜事宜欲發兵剿之允恭堅持不可曰赤腳張三非他可比也渠矯健絕倫人不敢近然好聲色可圖也請給假五十日得便宜行事當縛之轅門以獻韓公許之允恭訪得其黨好言說之曰張君誠豪傑人也我欲與之交歡今以千金為壽欲保我桑梓賊黨携金致詞張大悅約日到山謝允恭乃盛設合樂以餉之越宿備陳女妓陰遣勇士襍優伶中酒酣卽席擒之釘其手足馳解撫轅正法餘黨悉散太湖中自此安謐也允恭之功豈淺鮮哉

順治二年王師下江南楊維斗先生名樾屏居鄧尉山中是時太湖有盜咸以白布纏頭勝國紳衿士庶亡命者悉托為逋逃數以倡義為名招公共事楊曰倡義固出忠心但糧從何辦湖寇曰取之于民不患無糧楊曰若此則為盜矣何義之有誓不從當事者恐楊之終入湖為患遂執之見巡撫土國寶將軍已曰汝欲反乎楊曰我非反也為人臣者國亡則與之俱亡國存則與之俱存今國既亡矣吾不死何為土國寶勸之再三終不屈將軍怒命斬之臨刑仰天歎曰吾得死所矣立而受刑死於吳江之蘆墟

順治二年乙酉六月廿六日破城廿一日有鄉民十餘舟出城至南湖天尚未明見燐火青青散漫水波漲千亘萬衆懼揮之不去抑兵死生魂豫游波上耶廿三日城外見城內天星亂落如雨甲申六月初六日北來難民嚴泰等報稱

兵於五月初一日追賊至京出示曉諭曰

大清國攝政王令旨諭南朝官紳軍民人等知悉曩者我國欲與爾明和好永享太平屢致書通問不答以致四次深入期爾朝悔悟耳豈意爾君臣堅執不從今被流寇所滅事屬既往不必論也且天下者非一人之天下有德者居之軍民者非一人之軍民有德者主之我今居此為爾朝雪君父之仇破釜沉舟一賊不滅誓不返轍所過州縣地方有能削髮投順開城納款即與爵祿世守富貴如有抗拒不遵王師一到玉石不分盡行屠戮有志之士正幹功名立業之秋如有失信將何以服天下乎特此通諭知之

順治二年乙酉六月初九日

大清兵抵嘉興時馬士英在杭命督府陳洪範與

大清議和過嘉興舟折書奉使清朝兵巡道吳克孝聞之投水左右救之遁去同知朱議瀛推官孫昌祖知縣某等棄職遁去知府鍾鼎臣以城降居民爭粘順民二字于門貝勒王禮營演武場先遣數騎進城揭安民榜士民有到營獻策者卽承制給劄授銜隨征遇缺委補謂之南選住三日拔營進北門出南門騎兵由草蕩陸行步兵舟從漕河行軍秋

毫不犯市肆安堵明潞王常深同世子官民開門迎降隨委縣官署事秀水縣胡之臣先在天主寺前賣藥人素輕賤之因籍軍需嚴威脅民怨之切骨更委投降總兵陳梧至郡鎮守時各官尚服明朝冠帶至

閏六月初五日下午令剃頭百姓闕至陳梧署中梧云剃頭事小但剃後汝等妻子俱不保民遂涕然時有外邑鄉紳屠象美與梧歆盟共事

初七日聚軍民于大察院象美袖出偽詔開府道署示諭城內外二十四坊居民每家出兵一人民有遷避不出者衆兵鈔搶其貲書逃民于其房入官數日間聚衆三萬餘無將領隊伍亦無軍令約束持木揭竿或以寸鉄縛竹杪葛衣露體足躡草履烏合喧呶竟同兒戲日給兵餉悉派本坊鄉紳巨族質庫是日衆擁委署知縣胡之臣至梧署亂兵攢刺磔屍毬場

十二日晚東關外盤獲沙船一隻詢稱鹽寇謀為內應于是急閉四門搜斬黨羽市郭鄉村一時傳徧搜殺甚多各坊居民不容往來逾界者卽親識立時擒殺鄉村之民亦各插盟團結群不逞藉稱盤詰遇逃難男女經過或身帶銀貲一概殺刦平昔豪橫輩流毒閭里者盡為仇家報復殺人放火隨地皆然旬日之間自相殘戮屍橫徧野矣

十三日大兵次陡門梧遣標營陸中軍哨領陸兵先鋒朱大定等部水師又率民兵繼後救應迎戰于鎮西兩軍相接大兵數百忽繞出郡兵後前後夾擊郡兵大敗砍殺赴水死

者大半殘兵退保入城水軍返棹鼠竄初象美與梧起兵時梧輕象美是柔懦書生且權非獨握陰有微隙流言屠有異志至是象美見各縣調兵出戰不利又往太湖調王蜚兵不至

二十五日新安水師敗于麻雀墩繼而民兵被坑于姚油車鐵于石灰橋知事漸危聚集家將懷寶開北門欲遁隨被亂兵所殺郡兵恐大兵登真如浮屠窺城中虛竇縱火焚之貝勒在杭發披甲三千應之晚抵嘉興四鼓進薄西門外鋤頭壩作浮橋達城脚下大砲連發聲如雷震守城兵紛紛逃下

二十六日天未明梧開東門口稱親出掣兵率家丁同朱大定遁走平湖城門遂閉黎明傳大兵踰城已入郝千戶開東門百姓喧擠出逃踐踏而死嚎咷震天接踵而行首尾數十里不絕大兵知陳梧東走分兵趕至朝陽廟不及而還時城中逃出者十二三未及出者十之七八間有削髮為僧避于佛寺者有日係獄中詭稱罪囚者僅三百餘人其餘盡行殺戮血滿溝渠屍積里巷烟焰漲天結成赤雲障蔽日月數日不散郡守鍾鼎臣自縊順治二年乙酉四月大兵下維揚總兵張鵬翼與右都督徐洪瑋合兵入援未至而江寧失守遂從海道投監國魯王

丙戌三月移屯大山鵬翼弟繼勞勇冠諸軍及兵至疾鬪力竭而死有老僧舁其屍歸將近衢里許道傍有旅店忽見繼勞披甲躍馬從數人至店下馬命具酒食店民飛報入城

軍中皆驚喜急出迎之繼勞屍遁至始知向入旅店者乃其魂也後城陷洪瑋鵬翼皆死之

八月初三日王師抵松江時百姓已歸順鄉官沈猶龍前總制兩粵有威望倡義守城募鄉兵為拒敵計勢孤無援所募皆市井白徒金鼓一震鳥散鼠竄殺戮最慘至是果罹屠城之禍沈公及進士李待問孝廉章簡俱死之李自成陝之米脂縣雙泉人祖海父守忠葬于三峰子地方亂山中山勢險惡林木叢雜氣概雄偉募府檄米脂令邊大綬掘之以泄殺氣先破海塚骨黑如墨頭額生白毛六七寸次至守忠塚中蟠白蛇長一尺二寸頭角嶄然見人昂首張口無所畏衆擊殺之守忠骨節間色如銅綠生黃毛五六寸其餘環繞數塚骨皆血潤亦有生毛者大綬有記名虎口餘生錄載之甚詳且悉闖賊限三月十八日抵燕都既而如期破京師先是移檄遠近中有句云主非甚暗孤立而煬蔽恒多臣盡行私比黨而公忠絕少逆臣周鍾筆也聞者無不扼腕鍾復獻下江南之策賊敗潛歸南都戮于市

乙酉三月 大兵入儀封破睢歸進逼江北直下淮潁四月左良玉以擴清君側為名提兵下九江遣靖南伯黃得功禦之上游空虛

五月初九 大兵渡江福王走黃得功營得功戰死檻車北轅

順治二年五月初八日 大兵抵江許九日昧爽烟霧蔽江乃縛芻置木筏上順江而下

以紿京口兵而大軍潛由龍潭竹梢渡十日馬士英猶有長江天塹之對十一日都城陷矣

人變述略

黃煜撰

人變者述姑蘇義民殺校尉之變也天啟甲子乙丑之間逆璫專政屠毒縉紳所仇怨多在江南乙丑六君子被逮常熟顧憲副大章與馬丙寅逮江陰繆官諭昌期吳江周侍御宗建俄爾又逮無錫高中丞攀龍吳縣周吏部順昌江陰李侍御應昇吏部直節抗爽遇事敢言初傳有點將等錄皆逆黨所造羅列諸正人遂斥為黨獨未及吏部名吏部慨然有皇甫威明之恥益奮發無顧忌巡撫周公起元以爭織造削奪歸吏部為文送之所指斥內外甚具毛一驚繼撫吳固璫義子也蒞任日吏部即以送起元文示之一驚恨甚先喉倪文煥疏叅與魏給諫聯姻事削奪矣是至復以亭實疏構及之而逮者至邑令陳文瑞畋見曰公稍了家事吏部曰吾無家事可了顧左右曰前有僧求書菴額此當了却遂書小雲棲三字書畢擲筆歎曰此外無一事矣遂同令君宿縣署緹騎大索金錢未即開讀士民聞之無不洒淚欲為請命至開讀日巡撫毛一驚巡按徐吉至觀者蜂擁不下數十萬人諸生楊廷樞王節等前述士民意撫按戰栗不語一校尉厲聲曰今日事與秀才何預諸尉各舉械將擊諸生忽一人從人肩上躍出拽拳奔堂上急持尉之挺械者復有四人繼出一躍登堂遂與諸校尉毆士民喧從之首一人即顏佩韋餘四人馬傑沈揚楊念如周文元也五人持問尉此旨從何而來尉曰寔魏上公命我等來於是五人大呼共

殺偽旨者一尉匿梁上驚墜而死是日開讀不成禮衆遣過姑蘇駒遇校尉之往浙逮黃侍郎者騷擾駒遞復幫毆之沉其舟燬及駕帖事聞璫頗驚曰財賦盡在江南奈何廼勒令撫按搜捕渠魁五人遂挺身自任獻成大辟處決五人顏色不改璫頗啣李實疏為激變實廼命浙江巡撫潘汝楨請建生祠以自解免相望成風生祠遂徧天下矣天祚聖明逆璫授首蘇州祠成而即廢蘇人即於其祠基下葬五人題曰五人之墓五人奮義之日江陰李侍郎就逮常州郡城士民聚觀者亦數萬人各挾短棍直呼入憲署殺魏忠賢校尉太守曾櫻素惠民撫之而定故義民之名惜逸不傳先織造太監李實疏奏欺君蔑旨等事奉旨周起元背違明旨擅減原題袍段數目又指勒袍價致連年悞運且托名道學引類呼朋各立門戶一時逢迎附和有周起建周順昌高攀龍李應昇黃尊素盡是東林邪黨與起元臭味相親干請說事大肆貪婪居民恨深切齒除宗建昌期已經逮解外其周起元等五人都著錦衣衛差的當官旂扭解來京究問李實仍安心供職該部知道李實齟齬不識字之小人也在蘇杭時惟以叅論府佐楊姜事與巡撫周起元為難然未有殺人意也適有他事偶失歡於逆璫實司房在京求解於李永貞永貞語以必叅處某人等可以免咎遂為代草此疏又直隸巡撫毛一鷺以民變奏聞奉有本日解散姑不深究之旨已再疏三疏直云周順昌植黨附邪藉口起釁用作招搖號召夥衆擁擠鼓噪幾無天日已密擒首發大難之渠魁與脅從附和之餘黨以顏佩章等請速正典刑又以吳時

信等同惡相濟分別遣配併黜諸生王節等五人於是又復奉有漏網渠魁之旨將并罪入廢籍諸臣去浙江撫按亦疏奏官旗失落駕帖事奉旨黃尊素着撫按差官解京自此以後奉旨拿解皆下撫按不敢再遣緹騎矣

全吳紀略

楊廷樞

天啟六年三月望日周忠介以忤璫被逮緹騎至蘇勢甚橫索賄凌轢者百端樞與王節劉羽儀等具呈應撫為忠介申理毛一鷺聞黨也拒弗納吳民不勝憤

十八日於西察院署開讀有顏佩章等因眾憤而擊死官旂一鷺遂大張其事以聞時念陽徐公在光祿見揭帖大驚趨走徹夜不可寐詰旦謁銀臺同寅諸公求緩封勿即上適直指徐吉疏亦至公閱之以士民狂逞無知等事入告視撫疏情形稍減先上之魏閹知廠衛毆斃怒甚朝臣大半仇東林欲假此一網打盡俱以危言動璫曰吳民為亂議發兵盡坑之公獨倡言於朝反覆抗辨最後以全家百口具狀力保吳民不反達璫怒弗顧也當是天玉峰相柄國公念此事惟彼力能得先於璫然非怵以利害不為我用廼陰使人給其家人曰吳人聞有旨屠城票擬必出自相若當人取一編管先往熟其里第而後死耳相聞之果懼昏夜造公邸問計公曰子方當國而大禍及於梓里其誰諒之且廠惟子是聽盡急止之則可以免禍然眾怒難犯也相不得已入見璫跪請者數四且曰蘇州錢

糧重地如國賦何璫始露威許以為首者王死餘不問蓋微公一激之力不及此然在閣臣擬旨亦由按疏先上可以筆下從寬而於撫疏則直云已有旨了此先後之間厥功尤大也方兩疏未奉旨時吳中一日數十驚謂大誅旦夕且至移家出城踉蹌奔竄風鶴殆無甯日及得旨惟置顏佩章等五人於法黜節等五人名莫不引手加額慶蘇城億萬生靈皆由公再造也公旋中璫禍罷歸未匝月而公遽飲毒以殞郡中縉紳士庶感公之德而又憫公之死相與歔歔涕泣請於撫按曹公莊公建專祠而尸祝之樞不禁愴然有感而紀其略云爾

歷年城守記

王度撰

城者禦暴保民之所廼均是城也樂毅下齊七十餘城而彈丸即墨廼能轉敗為功唐安祿山之亂大河以北無堅城而顏真卿廼能以平原一隅抗其吭守之義大矣哉泰安依岱作城巖險素著自故明正德辛未流寇劉六等殘破之後鈴柝不事者百有餘年逮崇禎末飢饉薦臻盜賊蠭起至辛巳彌甚三月土寇闖松亭糾衆數千攻城越三日弗克四月史東明以衆十餘萬分立營寨四面環攻守道左佩弦暨鄉紳士民堅守十晝夜各關廂分遣鄉勇殺賊甚衆馳檄總鎮劉澤清援兵至廼解圍去先是簡鄉民有膽力者寵以事權分汛防禦名曰義勇若輩狼子野心貪橫無忌十月內田得茂等二十餘人自城叛出號召伏莽萬餘攻東門將陷韓守備至擊走之猶國事也歲甲申

大清定鼎山左首入版圖威靈亶數守土者急於設備順治四年十二月內警報押至知州朱誌猶延賓夜飲馬賊滕大鳳等百餘騎二鼓至城下架雲梯自東北謁登大開東門率衆入州衙殺其賓於當筵朱亦面中刀傷遂肆行殺戮百有餘人前博平教諭徐來聘被執不屈遂遇害賊直入圍圍取其家口放獄囚劫倉庫掠民財焚公堂及民房百有餘間達旦飽颺而去莫知其向逾歲戊子十月土寇孫玉吾窺城北郊無人率衆數千攻時知州周承吉公出州人倉皇守禦賊箭如雨發城將陷適余長子無欲甫領鄉薦先一日

自省歸聞急登城手執大石當先力禦拋擊當者立仆又用火罐燒死賊數十人奪雲梯
十二架賊廼懼夜遁去鼎革前後二十年間被寇者凡六次而城之失守寔緣典守者之
輕忽非滕寇之強有力而衆之難為守也至闖寇郭偽弁之變其禍甚大其事更慘余於
偽官據城紀事中詳厥始末茲不復述云是為記

明亡述略序

嘗讀明史自神宗熹宗時我

太祖高皇帝

太宗文皇帝創造宏業啟闢疆宇迨莊烈帝季年流賊李自成陷京師而

世祖章皇帝統一天下江南閩粵滇黔以次皆歸版圖明之所以亡

大清之所以興其迹燦然著也昔周之先太王王季文王累世修行仁義商德雖衰不遽取而代之至於武王紂惡貫盈殛始有天下而其後漢高帝手三尺劍崛起草澤唐宋之祖皆及身踐帝祚明太祖亦奮自匹夫蓋歷戰國暴秦前後五代之紛爭金元之亂人心望治者久以故取天下若斯之易也莊烈帝勇於求治自異前此亡國之君然承神宗熹宗之失德而又好自用無知人之識君子修身齊家宜防好惡之辟而況平天下者乎雖當時無流賊之蹂躪海內而明之亡也決矣惟學校教養之澤涵濡人心四方忠義之士捐軀斷脰迄國亡之後猶不絕此以見太祖法制之善歷三百年而未敝也居閒讀史執筆學為古文用之明亡之原委本末而

大清積累之盛倖於周亦即因之見焉

鎖綠山人述